

雜記類

念祖橋記

康熙五十七年戊戌歲余西席于向君郁公氏之塾陶淑諸孫一日君適余館舉其事以告余曰聞之莫爲之前雖美勿彰莫爲之後雖盛勿傳使前人無是事不敢矯誣以欺後代既有其人又當表暴以共聞予遠祖向秀肇自東京砥行礪德克昌厥後後裔敏中於宋真宗祥符乾興中以科甲仕進與王旦寇準王曾呂蒙正諸君子共列班聯矢忠貞清潔一日誕帝以敏中位高爵重賀客必繁密使潛覘門庭寂寂厨無煙火使返奏帝笑曰敏中真大耐官職佐僕射同平章國事入各郡鄉賢名宦孫經公生女貴貞冊立宋神宗嫡后帝局太子嗣統號哲宗向太后臨朝螢弊去譏尊立聖肅太皇后帝乏嗣不壽而終議立神宗少子主祀號徽宗昏庸闇

汝向太后仍垂簾聽政黜邪貴德以天年崩備載鑒史自是四世封爵國公六代孫向士壁在南宋理宗寶慶六年戊午任漳州節度使被奸相賈似道譏謗罷職其堂兄弟四人衡龍雄淵遂寓平江之梓崗予六世祖士衡公卜居黃金坪寢昌寢熾十二世祖有晟公胥宇大頭嶺縣厯數傳凡遠近山巒祖宗之隴阡不可枚舉惟東左雙江口有蛇虎二山塚土纍纍虎山右係予繼祖妣談曾祖居其中吾父伴之是江襄石橋梁圯毀多年每歲清明祭掃苦春濤泛濫是山有金爲貪夫淘挖予執禮律之彼隱隱自負出贖銀若干求宥予不敢自利謀諸合族將銀募工修橋今橋成顏石請爲文以記俾族黨比閭往來過客屬目而知茲山爲吾祖之宅兆亦以彰其世系于不朽余唯唯曰是若家之世德也夫橋之爲功幾何胡足記但修橋者全爲祖塋計作記者不必專言橋第邇厥由來以爲阡表而知橋之有所自也故錄其言以爲記清康熙五十七年戊戌歲邑庠生余

俊拔干氏謹撰

重修念祖橋記

吾始祖向秀肇自東京祇行礪德逮敏中爲宋相忠貞清潔稱爲大耐官職後向太后垂簾聽政黜邪貴德備載鑑史四世封爵國公六代孫向士璧在南宋理宗朝任潭州節度使被讒罷其堂兄弟四人衡龍雄淵遂遷平江吾祖士衡公卜居黃金坪六世孫能傑公徙居大頭嶺綿厯數傳凡遠近山巒羅列若兒孫之濟濟惟東左雙江口有蛇虎二山塚土纍纍是江襄石橋梁圯毀多年每逢祭掃苦春濤洶湧康熙五十七年吾高祖郁公募工修建顏曰念祖橋有西席余君拔干爲之記距今百數十年雖冰霜剝落車馬輪蹄不無傾圯而情殷繼志特爲之補葺後之子孫踵而新之俾往來過客屬目而知向氏斯橋爲祖塋計亦以徵利濟之功於勿替云嗣孫拔貢生貴濂謹誌

府州橋序

府州橋古驛通衢也上往長府下達岳州而橋因以名焉吾祖公榮公與二弟公明三弟公用家資頗富掘河堰興土木鑿石成橋堅牢密栗幾數十處若通濟橋三星橋金馬筭橋動以數千金計而是橋之成則在咸純三年係公榮公獨修也沿及數朝歷年既久雪霜磨勵漸就傾圯吾十一世祖有晟公嗣子二能傑公行長次能高公裔名尊上者慨慕先澤捐田伍斗以爲補葺資然斷木成梁不若確礪之鞏固每逢春夏水漲嚴寒冰凍往來仍病涉焉我二公裔以爲功未就也咸念前人貽謀思繼序以歲其事道光十七年二公之子孫共計因合力並置是田積貸十餘年生聚漸廣乃鳩工庀材斲木以培其基累石以固其址揆日定中以端其向而人力乍興天心默相水潦不降苦雨不作砌墩廣塔閱兩月而卽成然則先人創始於前日固幸後人重修於今日也而今人振興於此綿綿延延

安知不有繼嗣復修於後日乎余見其規模峻整克紹前功卓犖堅凝往來稱快因序其巔末云清道光二十九年己酉歲八月十五日乙酉科拔貢貴濂星門氏謹識

爲壽山公立繼序

蓋聞國重東宮家先長子禮著承祧良有以也法隆立後亶其然乎我祖秉鈞公鳳佩初聯芳叢五桂鸞膠再續蔭植三槐雖無高陽八凱之奇已寓荀氏八龍之望迺繩繩繼繼七子俱慶瓜瓞之綿而蹢躅涼涼長房獨乏椒聊之衍壽山公桂子雙立蘭孫並榮方期以似以續庶幾而熾而昌詎料昊天不弔地脈偏枯長子鑾甫舉茂才而歿次子鏗甫發備卷而殂鑾子治學未成而早逝鑾孫樸親方迎而云亡鏗子國滋有子不如無子滋子泰柯吉人轉爲兇人由是家長懷立繼之議意含未申茲者合族當叙譜之期情殷覓子在滋自知命薄小宗而讓大宗惟桐共羨兒多應繼

而兼愛繼乃遵公勸以五子振挺承繼長房泰樸爲後卜云其吉詢謀僉同大父母愛人以德不存姑息之情生父母訓子有方克仗敬宗之義凡諸三族莫不心傾屬在八房俱皆首肯爰親記花押共立撫書置田產以營生設簿書而管帳仰祖宗貽澤長發其祥賴父族扶持克昌厥後作養及時天定半由人定栽培盡力人工可奪天工從此情志詩書自堪肯堂肯構異日宜其家室預祝多子多孫清光緒十年歲次甲申季夏穀旦胞姪貴鑫謹序

曉葵公捐置祀田約

立捐貲報效字人裔孫國法情因宦遊西塞垂數十年幸蒙祖澤頗邀升斗之糈理合報效宗祊捐置祀田以佐馨香而垂久遠茲以衰老致仕謹將宦囊所蓄滙兌俄帖二百元抵中國官票錢三百串文函奉公祠擬置田租若干請諸首士先生收存妥爲料理輪流照管此據中華民國三年

甲寅冬國法曉葵氏字囑姪泰植學仲氏代筆

曉達先生前清名士也幼負大志屢試不第棄筆遊關塞歷任新疆藩庫廳署烏蘇喀喇州知州塔城撫民府惠政賢聲彰彰照人耳目民國元年捐置田租二十石歸入本房荀善堂祠以奉歲祀茲因年老解組未及旋里卽匯兌俄帖二百元報效公祠非念切本源能若是乎夫士人奮志芸窗一登科第總支各祠皆有獎賞以示鼓勵及出而筮仕則慷慨捐輸相與光宗耀祖固其分耳然恆人之情剝削公堂者多培植公堂者少聞先生之風可以知愧勵矣今值譜事告竣適先生有是舉故急登之以見仁人務本君子篤親不容沒其實而有開必先一唱百和且可藉爲後賢之勸云五修譜局公識

衡龍淵三大房合同字

立合同字人衡龍淵三房裔孫情因遠祖文祥公原葬梓江長柳灣虎形

丑山未向前後左右四界分明突于去冬朱姓有人在墳腦後開一大路
稍有驚犯我等今來掃墓不勝悽惻隨即邀鳴團隣及朱姓戶族登山踏
看眾斥伊非力勸毀塞殊伊執拗不允恐成官非須人出首辦事並須用
費維公裔隔居寫遠不能通知派費我三房商議日後如果有事費用照
五股分派淵公兩股龍公兩股淵公壹股不得推諉今恐無憑立此合同
字互執爲據衡公房南華旭陔邦珍媚卿菊潭松浦印綬銳卿龍公房殿
先縣書殆明宏喬賢達曉山曉泉晚吾淵公房曉吾淵泉憲吾雲卿畏三
及第先得益和香輪明昭從生東陽魁三友元含暉柳喬清光緒三十
一年三月十一日三大房公立

此事旋經伊團族處釋書有剖析合同字收執爲據

有晨公房合同字

立合同字人向能高公裔孫與能傑公裔孫共商計議情我祖遺公山土

名大源洞由進洞左手從烏龜嘴崙崙直至丫角尖轉至大頭嶺巔崙崙
直下至石路嘴凡屬橫洞山場爲傑高二公後裔公共樵牧之所茲因我
二公子孫繁衍公同商議日後不得另行豎造栽插進葬以爲久遠樵牧
之處我二公裔孫本屬和好恐後日爭論公立合同永遠恪守以圖雍睦
此據高公裔孫國彬漢雲樹春貴青字合同二紙各執爲據清光緒二年
丙子九月十九日

能傑公房合同字

立合同字人向芹香伯太運昌九韶等情因祖遺大頭嶺之業土名葉家
洞茶盤洞等處於康熙及雍正年間有四身向伯辰光斗仕德等將是業
賣與本房向尊爵致干管業但此買進賣出均屬不便契難確憑至向日
新兄弟與族向迪賢等興訟未結今春爲栽樹起畔合族向遵先瑞品等
與芹香叔姪關憑戶族團鄰向班然信奎永日張坤元劉景章許品階何

舒青潘耀明等從中排釋將葉家洞右邊墳山背及茶盤洞伴向英華墳後起上齊窰石爲界下齊背巔右齊壕基左抵葉家洞出入古路爲界內聽芹香叔姪蓄禁其餘合族管業樵牧剗挖永禁開懇所是山內墳塋子孫不得傷犯日後凡屬能傑公後裔永遠公管毋得混爭永敦和睦此係二比傾心立此合約爲據

墳山背內上截遵先房內老幼墳五塚執魁房內墳一塚

憑	泰順	魁文	敬望	任賢	聲階	貴品	見福	青俊
明照	清才	美仕	統傳	詔鐸	書常	國漢	登榮	
中	襄治	禹貞	九錫	懷瑾	蘭馨	安邦	邇三	正吾

清咸豐二年三月十五日芹香叔姪字九韶筆

能高公房下勸息字

立勸息字人戶族向復日永日仕宜信奎聲振才三徵輝芳溥運機玉壺

國治商佐得周元章愷元作霖團鄰何子牧姚勝瑞鄭周才曾興美等今
因向坤吉始以公山私佔具控向斑然復以始平終盜及佔奪絕蔭稟案
斑以慣謀套戕並拂謀架害祈稟二比催訊我等從中查明斑居住綿花
坡口屋後坦內先年將父母及伯父葬墳三座前年上春於上岸小坦立
一試簪今夏因坤就上立一土堆斑卽憑衆處毀旋將祖母改扞白簪致
興訟端我等俱屬族戚不忍終訟公全於斑祖母墳左側禁步外爲坤立
一試簪情勸斑出錢壹拾串文正以作息案賠公之費山雖公山地址狹
窄班旣先葬多塚日後族內永不得步截伴葬致傷斑祖滋事至坤以賣
姪爲僧奔嫁姪媳稟班均屬虛詞卽李家堰厯來因旱作泊並非班絕坤
蔭此係秉公理釋二比傾心允服並無挾和情事嗣後共敦和好永息事
端今欲有憑立此勸息字爲據清道光二十年十月十一日戶族團鄰公
立族仕宜筆

成相公房勸息字

立勸息字人戶族向星門月池笙陔蓉園九儀敬葺岱嶺重開濟才樂山
成明平甫壽賢華林南吉星彩等情族正吾與貴南因墳山修譜起衅致
正吾以削改謀估是控伊等立欲投訴我等不忍成訟從中排解書立勸
息字邀阻字據表明查正吾嫡祖成相公葬獅形个字穴之山伊房葬有
墳塋數冢菴背嶺元禮公之婆許氏陳氏張氏有奇公之嫂許氏亦葬此
山金鈎形譜載係成相公業今重修族譜世鴻公房貴南有順治年分關
康熙年契據以致爭論我等念屬一本力勸二比貴南分關契據一概銷
毀成相公房出錢十二串文所有昌家山劉家坡徐公坡沖頭坡樓裡屋
場菴背嶺金鰓上水齊河心周圍一所山場概歸成相公房管業其世鴻
公房葬有本立公暨羅氏墳二冢禁步上齊主頂下與左均憑墳尖二丈
右憑墳尖一丈有墳之處不得傷犯其老圳沙涵亦係照舊日後倘有尋

出字據視爲故紙永不得生端爭論今恐無憑立此爲據

樓裏屋內有貴南房墳塋一塚照例禁步

成相公房獅形周圍之山右齊上坡心爲界左齊苦竹坡壕基爲界上從主頂直至菴背嶺左齊河心爲界下齊田塍爲界

清咸豐七年十月初九日戶族公立星門筆

以氣公房查明公處字

立查明公處字人族達亭蘭浦荷溪蒲江南華遵吾顯吾樟橋月潭等情
淵公房以氣公裔自明遷居青龍復遷魯船塘道光年間續修家乘其裔
未曾查覺誤入龍公徽山房下今值四修譜牒始經查出係以氣公之後
我等公處淵公房收歸其先年所捐徽山支祠各項費用日後毋得藉口
則族誼全雍睦永敦矣今恐無憑立此爲據清光緒十年甲申又五月十
二日族人字蒲江筆

千期杜後字

立杜後字人向千期情井衝口蛇形合族公山一所厯葬宗麒宗回公墳
塋一座蓄植保墓各色樹木公議嚴禁不許砍伐今因山近我腋瞞眾越
砍經族等查知力欲控上千自知虧怯邀請族眾春暉翰英樂山平甫運
璣班元宗先炯圭笙陔月池育才科發百期卓榮等調叙自願醮墳賠樹
認罰嗣後恪遵公議再不侵犯倘仍蹈故轍聽族執字鳴上此據清道光
二十五年三月二十日千期字

安邦杜後字

立杜字向安邦情因伍市宗祠原有議禁非祭祀不許擅開去冬因漕務
擅開宗祠激族眾立欲具控茲有我父修爵情求族曉渠星門運璣笙陔
樂山芳華兩湖平甫濟才等理處自愿受罰賠禮嗣後不得仍蹈前轍此
據清道光二十八年十二月初八日安邦字

主才杜後字

立杜後字人向主才情我本宣本烈二公房下祖塋疊葬范家段科頭屋及樟樹觜大冲裡對門乾頸壠多家其墳下子孫遷居浯口及常德星沙等處我等因伊住居寫遠糾衆在墓前强掘淘金經本房首事樂山邀鳴保正童高發戶族必誠星門磬圃笙陔月池敬菴達亭南屏兩湖覲懷湧泉曉潭岱峯遷喬沅臣等到場驗論立欲控上眾等邀阻樂山勸念屬一本姑恕理斥我等將掘淘之處照舊修復醮祭墳塋主等自知干例悔服遵處祠後永不得侵犯各處墳塋今欲有憑立此杜後字附入族譜存照清咸豐六年三月十一日主才字

淵公房席邀族蘭華等查明公判字

立查明公判字人族蘭華岳峯邦珍生林賢杰賢倫堯卿美仁東太鳴岐曉吾伯祥淵泉豐才等情因淵公房捐置祀田厯有年所今白果洞與馬

王橋因祭後佃家酒席起釁彼此席邀理論我等從中查明公判白果洞登席十四名馬王橋登席二名其租穀在伍市用費有餘仍歸向家洞上下兩祠公永定章程以全雍睦恐口無憑立此查明公判字貳紙鈐記付白果洞馬王橋各執壹紙爲據清光緒十六年庚寅冬月初九日兩房公舉樓舟代筆

淵公房馬王橋團坡墳山印讞

民國三年四月並由湘陰驗契所鈐印爲證

賞戴花翎候選府署理湖南長沙府湘陰縣事十級杜爲發給印讞事案據向振鏞等與何萬春等互爭山界一案緣向振鏞之祖於康熙年間將契管杉樹坡梨樹塆兩處山場兌何萬春等之祖契管團坡彼此立有兌約各管無異光緒二十九年何萬春等砍柴爭界肇衅以致互控疊經王前憲勘訊未結向振鏞等復以前情控奉府憲批行下縣茲經本縣覆集一千人證訊悉前情查閱兩造所呈兌約界址俱屬含混均難憑信當經

諭飭武昌局正紳巢顯炳等赴鄉查勘具覆茲據呈稱白向振鏞團坡北岸墳塚後塲酌以三分劈一窖石直至山腳大路外田邊爲界界西壹分歸何萬春等界東貳分暨北塲概歸向振鏞等西以騎崙分水爲界崙西係桐子坡杉樹坡仍歸何萬春等崙東係團坡直抵東大路概歸向振鏞等其南塲酌令折半從崙上窖石直下伴古塚右至山腳小路外田邊爲界界西歸何萬春等界東歸向振鏞等該山前後左右關繫兩姓墳塋嗣後均不得開挖其團坡東南角小塘向人以作明堂何人以全蔭救以後挑洗修培兩有裨益除將所呈兌約塗銷契譜均各發給取具兩造遵結附卷外合行發給印讞爲此讞仰該族人等一體遵照嗣後務宜各釋前嫌均遵印讞管業毋得越界混爭暨開挖生事致傷和好須至印讞者右給向振鏞向貢堅向若金等准此清光緒三十二年丙午十一月六日發

淵公房雲喬公白果洞墳山縣府堂判

一特授湖南長沙府湘陰縣正堂加十級紀錄十次李審得向賢振控劉加會等掘碑佔山一案緣向賢振之老祖向雲喬於前萬厯年間在毛遠山安葬祖塋康熙四十二年癸未歲豎立界碑將近墳山田地交吳喜公承耕就近看守迨後吳佔向山盜葬將碑內承耕二字鑿去致向姓控縣係劉加會之叔劉若先見證斷結在案其墳仍令吳姓看守歷管無異今春劉加會越砍毛遠山樹木掘匿界碑經向賢振查出具控茲集證質訊僉稱向姓界碑係康熙年間所豎界碑今年三月始被掘匿等語再四研鞠始據劉近悅供認掘碑不諱其爲劉佔向山已無疑義除將劉近悅等責懲其所掘界碑差押交出仍豎原處所劉加會呈出公議請界字約訛係舊日假造當堂塗銷其向姓山內有古塚爲劉加會新立碑氏押令將碑銷毀至今年劉姓新立土堆是否古塚亦未可定均應照舊留存吳姓亦不得侵犯查向賢振毛遠祖山前抵屋墻後以來龍崙崙直上粟公洞

高頂爲界左右俱抵田塍爲界飭令嗣後照界管業向姓墳塋與山仍看吳姓看守取具各結附卷此讞清嘉慶元年丙辰六月初二日發

二欽加道銜湖南長沙府正堂加十級紀錄十次陳爲平塚砍毀等事案據該縣詳覆劉加會控向賢振等平塚毀碑強砍杉樹一案到府因未將卷宗字約檢同隨呈查核礙難核批當卽飭令查查茲據該縣中賚前來經本府查核卷宗字約均與原詳相符除將縣卷字約發還外合行檄飭遵照爲此仰縣文到卽令劉近悅將所掘界碑仍令豎立原處樹木給向姓領歸毛遠山仍令向賢振照界管業劉加會所呈僞字塗銷附卷俱如詳飭遵毋違須至牌者右仰湘陰縣准此清嘉慶二年丁巳七月十二日三特授湖南長沙府湘陰縣正堂加二級紀錄李審得向賢振等具控劉仁義等掘碑佔山一案緣向賢振祖遺毛遠山田山前明萬厯年間葬祖向雲裔墳塋一塚清康熙三十一年癸酉歲因住居寫遠不便耕管將近

墳山田九石五斗書契付與吳喜公承耕看守墳山向姓旋於康熙四十二年癸未歲豎碑刊明四至界址前以屋後屋勘爲界左右俱以田勘爲界後以騎崙直上抵粟公洞大山高頂爲界照管無異乾隆三十年乙酉吳敬山將碑內承耕二字鑿去向姓控縣訊之見證劉富安等供悉前情照據斷結並刷碑摹附卷嘉慶元年劉仁義等佔山砍樹掘碑毀墳致向賢振控今前縣仍照原斷審結劉仁義等責懲押追界碑立讞在案詎劉輝棠等翻控府憲錄案具詳奉批如詳押繳原碑因劉仁義等抗碑不繳復行強飭向姓毛遠山樹木續稟前見證李明甫等僉稱劉仁義等砍樹屬實查起劉仁義所掘界碑到案驗明碑內田勘二字已改爲壕堤等字斷令劉仁義仍照鑄原係田勘界碑二字樣刊刻碑內飭令退還其向人所拿劉人衣帽當堂給劉仁義具領界碑着向賢振領歸豎立原處劉輝棠劉仁義等改碑圖佔違斷砍樹殊屬刁健均重責懲以儆越佔滋事甘

結並向賢振遵結備案此讞清嘉慶二年丁巳十二月發

四特授湖南長沙府湘陰縣正堂十加十級紀錄十次劉批查契內雖載係毛姓之業而據毛文太述實係向姓田業立契轉招吳姓承頂其契內有向氏祖山一所仍屬向姓管業細閱文義則產業之出於向姓屢口招承原爲看守墳山之意今契內田產山場俱着吳姓照契界管業而向姓居住寫遠應着吳姓具結招承看管毋許侵伐向姓亦不得指稱墓田滋事兩造方可允服各取遵結備案

此係乾隆三十年乙酉又三月十九日庭訊批載吳姓契內之詞

淵公房朱孺人墳山杜後字

立杜後永蓄禁字人里地一千情因向氏祖母朱氏自明葬程家墩夾家嘴週圍歷有邱木蓄禁無異突於本年六月十二日有程任富於墳左附近燒燬土灰肇衅激向邀鳴我等到場登山踩看均叱任非公處用祭寢

事自後再不得刀削斧傷樹木墳前後左右綯牛曬穀等項程向兩姓結
聯素晉倘墳平脊聽向搬理恐後無憑立此永禁杜後字爲據當憑楊先
吾王科發楊雲普程召南華貴言士仍川早林魁賢人興在名同榜向憲
吾霖波雲卿清光緒二十七年六月二十三日公舉周介宣筆

可華公裔將大坡山場賣與川山屋契載界限暨川山屋與可華公

裔兌換山場合同杜後字

宣統二年十月初一日可華公五房雲卿善隆恆春邵平本立等將祖遺
大坡山場壹所左抵畫樹崙爲界右抵鐵門檻傍塘種坡騎崙分水直下
至獅形尾橫路爲界上抵燕子坡寄崙分水爲界下抵洞坑田墘爲界憑
族少連賣與川山屋振桂桐生穀豐三房人等得受銀價貳拾兩橘溪立
契確又民國三年陰歷五月憑少連書立兌換山場合同上下袁家坡概
川山屋振桂桐生穀豐等管業內提中乳彩先公墳上齊大塘坪橫斷寔

石爲界歸可華公裔管業提上袁家坡楊壽人墳上橫路衝尖窖石爲界
歸可華公裔管業橫路寬數尺仍照老例行行走日後可華公裔不得阻滯
此據中華民國三年甲寅秋善隆振桂等刊

爲求公支下公山碑文

我祖爲求公號荆美舉子四長世傑次世偉三世膺四世儒昔四大房祖
遺接置刀分山塲土名北塘冲下手丁家山碓臼坡西坡石洞裏下虎形
湘邑牛形等處公山今因人丁繁衍蓄禁樵砍難昭畫一裔孫商議照得
各房多少刀分派就拈閭落分書立合同分關各執關照分管業不得越
佔混爭其進葬陰宅無分疆界聽其自謀不準牽攔步絕又公禁山中石
座永不開劈牧牛鑿鑿挖均以照舊日後如有刁抗犯禁阻葬分房特刊
碑以示警焉中華民國六年丁巳歲九月吉日立三十六年丁亥公推國
露愛清氏刊